





四  
十  
年  
庚  
子  
秋  
月  
日

題  
詞  
卷  
一

雲間周應垂著

白氏第一

# 柯棊從稿

干山艸堂藏版

序

余方總角時周子鷹垂自其尊人括蒼郡屬攜余姊氏歸省外舍出其橐中詩就正於家大夫尹晤小稍休時余甫入家塾從事帖括藝不暇為詩也又二四年釜山先生解組歸里門築室干山之麓絕意仕宦日餐雲蒔竹嘯傲自得詩古文愈益富余以周子故得時從長者游間吟一二短章先生輒欣賞諷詠指示坐客以為大佳而家大夫方淬厲余兄弟不樂其耽玩聲韻故不獲竟學無何萊陽宋觀察荔裳先生



雲間周應垂著

白氏第一

# 柯齋選稿

于山堂藏版

序

余方總角時周子鷹垂自其尊人括蒼郡廩攜余姊氏歸省外舍出其橐中詩就正於家大夫伊唔不稍休時余甫入家塾從事帖括藝不暇爲詩也又三四年釜山先生解組歸里門築室于山之麓絕意仕宦日餐雲蒔竹嘯傲自得詩古文愈益富余以周子故得時從長者游間吟一二短章先生輒欣賞諷詠指示坐客以爲大佳而家大夫方淬厲余兄弟不樂其耽玩聲韻故不獲竟學無何萊陽宋觀察荔裳先生

爲怨家構落職買舫艦游江湖間先生與家大夫皆  
曩官京曹時舊友也因家五茸者半載每流連文酒  
握手歌呼余亦數追隨兩先生杖履劔操翰鬪捷一  
時稱盛事尋觀察別去余亦偕周子僦裝應京兆試  
不數月先生竟以病不諱聞周子麻衣馳赤日中踉  
蹌南返余不獲絮酒几筵爲嗟噫悵望者久之其明  
年冬觀察以奏計朝輦下道邁病閉戶不通客又以  
蜀土變亂妻孥幾百口隔絕於瞿塘灩澦萬里外遂  
沉憂以死今其所遺詩文竟不知尚存與否而先生  
之詩以鷹垂能世其學故後先輝映而名益彰嗚呼  
十年間老成凋謝聚散死生一至於此悲夫今年秋  
周子復來京師旣被放益豪於詩發其抑鬱磊落之  
氣而余塵事鞅掌詩日落周子顧以余爲可與論詩  
以先生集若干卷屬余序夫先生之詩猶江河之行  
地日月之經天固千載而不滅也何待於余言第序  
其區區知己之感於不衰云爾

康熙辛酉季秋下浣同里年姪王鴻緒拜撰



柯齋選稿目次

卷之一

五言古六十五首

卷之二

七言古三十九首

卷之三

五言律八十三首

卷之四

五言律七十六首

卷之五

七言律五十九首

卷之六

七言律六十首

卷之七

五言排律二十九首

卷之八

五言絕句五十四首

卷之九

七言絕句一百十七首

卷之十

小令六十六首

中調七首

長調十九首

卷之十一

卷賦二首

世家一首

傳一首

卷之十二

序六首

卷之十三

卷書二首

記五首

卷之十四

說二首

祭文五首

卷之十五

策六首

卷之十六

策六首

卷之十七

策七首

卷之十八

策五首

論二首

卷之十九



表四首

卷之二十

表四首

判四條

卷之十九

策六首

柯齋選稿目次終

柯齋選稿

雲間周綸鷹垂氏著

五言古詩

感懷

昔者京洛遊手握隋侯珠密親助為裝光輝動卑間  
道逢彼姝子天天桃李軀顧盼不久待含情覺有餘  
一朝相贈遺還歸入我廬和璧非不貴朋足良欷歔

別詩

自日照行路連翩相別離同舟嘆為客慷慨涕淚滋

去去隔參辰會面未有期人壽不百年莫忘少壯時  
驪駒一以聽蕉萃將在茲

情詩

秋至涼飈發吹妾羅衣裳引領望何其但見浮雲翔  
華月沉西壁明星爛東廂念彼雙鴻鴈飛鳴各一方  
黃鵠失其匹哀號天道傷惆悵集五內所思心易傷  
攬帶步遲遲重門連曲房轉側不能寐中夜獨徬徨

贈陳撫謙

戚戚男兒志耿耿當自思俯仰同世人榮名以爲期  
智者策高足庸愚徒見嗤毛羽一以摧哀鳴焉能飛  
伏櫪不千里伯樂亦豈知仙人騎青牛方外誠可師

又

無爲在岐路貧賤每畏人軒車來紛紛相視越與秦  
亮無平生交焉知徒步心所遇不我顧去若風吹塵

送季黃門

會面幾時日忽言遠別離高義興薄夫胡論不相知  
送者隘市巷去去當路岐涼風正北吹入耳堪增悲  
但聞啼哭聲親故行追隨前有一尊酒從此爲東西

贈陳其年

陳生達者流盛年擅雄姿翩翩播文采迅若風雲馳  
田駢皆已沒荀卿亦老師詎無知音者和寡空爾爲  
贈吳漢槎

吳生延陵風千載乃繼響染翰懷儔侶抗志青雲上  
終日刺繡文何如市門往閉戶耽著書寂寞信吾黨

贈沈爾祈

沈生富書史舌辯居其冠美微志禮俗狂言若河漢  
絕跡學神仙遠遊何汗漫所見多所恠無乃迷陽嘆

秋夜

通昔不得寐攬衣起長嘆涼溫節候更霜露條已溥  
皎皎雲間月流光及西殘啓戶望衆星歷歷高城端  
徘徊整煩襟賞心遲漏闌塵網坐自釋卑棲聊易安

郭外至白雲山寺

茲郡多奇峯日暇挹其姿絕壁削寒雲溪林截虹霓  
羣雉雒公解虎豹號路岐城市少人煙結茅何參差  
耽寂郭外路探幽本忘疲最高構福宇崢嶸試攀躋  
大乘豈易尋法侶亦在斯邀神閭浮境佇睇天花吹

直置千百憂庶已佩萱枝

感懷

烈烈寒風鳴團團月初上出門步逍遙野色平若掌  
鴻鴈辭朔方聯翩下宿莽江湖異鄉土誰能久流蕩  
饑欲稻梁食嗷嗷懼羅網傷彼遊宦子戚戚常爲養  
思廉兒  
生兒過四齡遠別踰二載我父守東越攜汝指甌海  
膝下悵每違嬰孩心尚爾悠悠隔山川淚下不可止  
和齋理諍閒含飴親色喜

又

念汝一歲餘頗曉章句愛日誦三四行過日志梗概  
次有兩男兒仲季邈離閔迢迢未識面學語各嬉戲  
兄弟同根生輒問何時至

貽友人詩

被褐從所欲有事翰墨林遙懷丹谿游戢翼崑山陰  
光暗隋侯珠囊空陸生金觸緒通遠悟循跡啓道心  
庭幽子猷竹室閒中散琴離羣久延佇索居思難任  
子雲慚執戟朱博惡翰音杜門守疵賤遊子何滯淫

聊復具雞黍宜城遲共斟

雜詩

紛紛遊俠徒擾擾宛洛市  
纓貂侷金張鬪食方許史  
往來並時髦馬念丘中士  
狐白量自溫忘憂迫濛汜  
達士規飲河古人誰不死  
請爲雍門哀曲池黃塵起

高雲可爲冠瓊枝足療饑瓊枝何芬芳高雲光陸離

心厭嬰塵網願與外物遠  
寄書三青鳥爲我銀臺飛  
銀臺曠萬里戴勝居巍巍  
想像積思慮恍惚見容儀

望遠邈難即含情當告誰

湖上游眺

習習惠風扇萋萋芳草生  
紅桃被脩徑綠楊夾廣亭  
輟棹更遵陸總轡還徐征  
遠山旣星羅古寺復雲停  
湖光接天杪高城壯地形  
鷓首戲荇藻鳳吹入窈冥  
臺榭何參差妖冶自相傾  
纖指輕齊瑟朱唇薄趙聲  
目翫固殊狀心賞難爲名  
寄言滄洲客有愧塵外情

飛來峯

緩步登危峯峯勢架霜鏘  
攢石似累碁峭壁詎瓮鑿

上高若浮梁中空疑飛閣  
豁達延風師蜿蜒張雲幕  
陰陰晨光微梢梢露華薄  
攜侶路已窮探幽徑如削  
深思寄雲霞願言娛洞壑

登吳山最高頂

風波苦淹滯命侶試登臨  
茲土富形勝吳山鬱嶮嶽  
郊扉旣倦旅州城復遠循  
居然爐霞賞都忘塵市侵  
佇想子晉鶴側聽玉女琴  
樓觀衆仙列遊陟羣靈親  
長風來萬里蒼松挺數尋  
南眺江湖湧北顧澄湖深  
高墉街山足綺榭紛水濱  
聳身絳霄近俛首青雲沉  
却笑蜉蝣輩坐促蟋蟀吟  
長揖洪崖交眷言浮丘賓  
得似餐霞客人世良苦辛

傲古

驅車太行坂馬踟不能前  
回策首湘水欲濟無刺船  
遠望故鄉路惻惻浮雲連  
纏綿我中腸四顧無與言  
荒榛鬼長嘯熊羆號樹巔  
夕息孤影傷旦興旅思昏  
親戚分義疎貧賤私自憐  
况乃隔山海抱恨復何怨

咏懷

八月天氣清山山碧如掃  
行樂但及時繁憂寧自保

隣曲三四人率爾披懷抱吾生各有歸秉燭當壽考  
班坐相和歌茲契亮聞道

又

蠲憂托清醕滿酌望晴雲卷舒倏萬狀日倦清江濱  
秋稼亦已時屢空更何云大象成庶類閭里善自存  
通津不我合伏處非囂塵

咏古

秦皇溺吞併志乃狹人寰轍迹追周穆言觀三神山  
明珠光照耀將以娛帝顏鞭石竟不逝惜哉徒空還

又

無鬼樂山林心不在梁肉衆狙遠遁逃一狙終失族  
伐巧理固然此義難更僕將爲達士觀寧事君平卜

古詩

野葛何綿綿涼秋委草間皎皎弄素絲心念不能言  
詎無本來質改易匪自天積羽謂沉舟羣輕謂折軸  
蘭蕙一失所誰復珍芳馥慷慨難自裁蕭艾聊寄目

贈張帥

太華五千仞玉女凌雲煙削成天地始蓮葉何田田

人聞長安樂冠蓋紛接聯引領望三輔飛聲饒俊賢  
又

魏尚雲中守厥功侔頗牧壯哉新息侯銅柱表荒服  
惟昔此邦彥方駕實在目譬彼丹山鳳詎乏青丘玉

又

大鈞權陰陽薄蝕數適然昔在不基日江介邁迤邐  
桓桓張君烈顧盼光戎旃陋彼葵與藿謀野竟何宣

又

置酒樂相樂部曲列西東絲竹且勿喧請述疆場功

華京再授爵洵美期鼎鐘江漢長浮浮維翰亮在公

雜詩

豎儒安足爲雕飾坐淪誤迷方譬枯莖多爲疾風故  
高步好追逐通津並馳驚身世水上萍濫吹復何慕

又

眷然惜匠郅豈惟狗瞻顧杓鑿胡不量中道媿改錯  
請從蹇修辭蓬蒿保貞素日月不我留無爲懷百慮

又

相馬失之瘦斯言亮感人芳糈當及時不爲蕭艾親



托根一失所蘭蕙同束薪時俗好明月誰爲鑒亂真  
又  
余幼好奇服淹留竟何成媵容不世出蕙質乃見輕  
貂冕據高位路逢皆密親失意須臾間姻媾還相傾  
何況短羽翮奮飛徒逡巡

又  
步光在握中豈不貴剗割于進良足耻疇肯顧微末  
整身翰墨場達生亮誰達慌忽有所思徘徊守難奪

又  
朝吾汗漫期紅陽自超越準勢陵扶搖千里去若滅  
秦青不再遇汗珠空振血絕景玩衆妙無事長嗚咽

貽友人詩

苦辛長苦辛戚戚難重陳浮雲忽聚散可望不可親  
入門各爲媚疇肯顧後塵驅車適宛維南轅徒逡巡  
白日不我畱無事要路津去矣從此辭苑枯空勞神

又

人生亦何常空持千歲憂君如朝日花芳艷幸暫畱  
攀抗非不貴盈盈南陌頭佳人自矜飾二八餘嬌羞

自入纖手中枝葉寧見收

城北行江滸作

步出暨陽城遙望城北路涼飈鳴蕭蕭落日馳西樹  
漸遠塵市喧聊適目所注君山標秋空大江劃爭渡  
臨淵徒羨魚居人告恐懼漁釣匪不嫺近爲官守故  
篙師籍名姓曉發暮還聚平沙葦可杭疇昔供征賦  
一一遭播遷公家急戎務燕雀巢華堂飛飛詎旋赴  
哀哉痛斯言那復詳其訴昊蒼急生民春風更和煦  
篤厚神聖姿時乘將南顧翹首仰燕雲芸黃遲霖雨

蹙蹙且勿悲祝網慎無誤

感興詩

采菊不盈把藉用泛清罇秋聲聞以來四顧驚心覓  
空庭斷履綦獨酌誰與言丈夫志磊落無乃等觸藩  
悠然省此故太息廢盤飧

又

莽莽六合間詭譎橫相抵鴟鴞啄其巢慈烏失棲止  
魚目得先容夜光拔劍視豐歲賤黍稌無年貴糠粃  
愛憎一溷淆欲行靡所履

人生同逆旅豈獨遠行悲一身隨物化日月不我私  
杳杳終長夜冥冥何所知收淚捐世情援毫爲此辭

又

大道夾冠蓋委巷集沙塵貴盛每兼至衰賤亦相因  
君看三春花灼灼無停晨榮落會有時秋飈及枯根  
宛洛多岐路慎勿逞要津

又

生何短技能流宕更無似上書棄不收鉛槧非所倚

扁舟逐天涯何言肉者鄙軒車來故人肝膽竟誰是

又

卜築山之阿抗懷良寡偶松竹遶四隅方廣足數畝  
花落踐作茵鳥鳴求其友致身無所能立言庶不朽  
時俗乏千金誰爲享敝帚

又

禪悅性靡解散誕隨所指目空千里途駕言去桑梓  
擾擾人事煩二桃殺三士蕭騷鬢漸疎年華若流矢  
惕然摧心肝請從空王始

疇昔翰墨場發言矜挾藻覃思窮高深制作極研討  
同文疾故轍落紙多新造神傷荆庭玉心惻封禪艸  
幽有鬼神馮干祿失所禱散亂床上書咄咄日潦倒  
人壽詎金石煩憂徒用老

又

鉛刀冀一割駑足希遠步何況雙龍劍埋沒不復顧  
霜蹄困伏轅哀鳴在中路伯樂能幾人骨朽將焉遇

又

空閨守刀尺裁作新婦衣女蘿附喬木根株不相違  
光艷亦自好疇肯顧寒微剪綵他人裝不知春是非

又

古人重范張生死會不貳而我七尺存翻覆乃互異  
一爲窮身賦膠漆違所始因知浮雲心遭風偶相值  
雨夜仲榮先生酌余艸堂卽席五言次韻以答  
體效杜老

炊煙飄如絲隨風蕩成縠客行困霖潦夕餐厭野蕪  
我宗賢主人輒爲念幽獨呼童一欸扉邀我坐深屋

清酒及濁醪壺傾巾自漉席促話更長蘭燈剪還煜  
上下千載事胸羅與手錄我賸終軍繻君采陶潛菊  
感念令神傷天高地難縮遶室何營營偷光笑蝙蝠  
本是腐鼠同乃爾亂林木昏黑人事煩愁來百千斛  
不知西向笑且漫雍門哭亮哉苟達觀一杯過當軸  
奉謝陳伯鶚使君

秋江厭薄遊儻居鮮儔侶目送天際雲手把尊中醕  
朔風吹我寒衣單困無褚懷刺爲誰前高情過期許  
不律苦未工長吟淹逆旅使君地主厚緇衣深相與  
媿有白社名難赴青雲舉巖廊推棟梁大音仰鐘簴  
賓朋肯惠存漂泊減愁緒君却姑減潤我鑒安邑語  
轉蓬偶相依知己敦古處

曉過慧山

倦遊急歸程長年急天風快意十尺帆瞬息道路東  
推篷看朝爽四野燦霜紅慧山高峻嶒秀削雲霧中  
豁然開心目上下間丹楓烏柏亦點染松柏自青蔥  
園林舊歷覽錯雜梵王宮蠟屐興未已挂席去怱怱  
居然近城市幽意每無窮吟眺阻茲賞心跡寄冥鴻

南樓面橫雲如几案間物左天馬右機山暇日  
與仲榮斐章玉文爰楫賦之

萃兀萬古山興來豁心目豈無巖居者地幽故自俗  
要爲外物撓足音遲空谷伊余异所秉扁舟憇林麓  
深厭城市喧不復縈心曲荒蕪三徑跡漸得供遊矚  
僕身本樵漁曾無慕食肉廣池紅蕖開曲廊蘭臭續  
登我池上樓峯勢裂數幅橫雲秀可餐綿衍松與竹  
疇昔布名園婉變輝金屋主人擅文章振筆落珠玉  
高下結構奇選勝嘗移足左顧天馬來居然作近局

寥落村市稀翻成伴幽獨機山處西偏一望淨如沐  
朝爽當衣襟飛鳥難名族我友爭和歌擊鉢未爲速  
大風拔木屋爲之壞葺治旣訖喜而賦詩

驚飈襲重屋震撼無靜柯四野閃昏黑連山欲盪摩  
長榆挺蒼翠高枝結藤蘿拉然崩仆地發蒙不復多  
池亭亦繚繞相隨委駛波卜築聊繕完耳目絕詆訶  
柎鑿再程事研席資婆娑循迹悟消長鑿物足寤歌  
孝烈辭爲董翀南夫人作

皇天生蒸民豈其委鋒鏑歸亭育咸與保飢溺

志士盛平世顧盼整羽翮固窮恒若忘要當勵史策  
匪惟丈夫節女貞耀前迹斯理本性成矯修以樹的  
華閥尤夙嫻守正表風格稟訓旣良便義在故不易  
日昔乙酉秋道路紛劒戟陽九鼎祚遷雲雷事初革  
烽燧接江介勢難遽移籍董君烏衣胄文采綉丹碧  
時下江都帷未奉毛生檄母氏春秋高時年倍愁戚  
欲謀盡室去卜築娛朝夕買山計未諧輕裝逝安適  
董君辭出門皇皇道傍覓烈火燔崑崗珪璋等瓦礫  
持刀者誰子晉鄭頭畢白董母慘被縛子婦趨丐釋

龔姓家素賢詩書間閱歷孝烈發天性抱姑繞搏擊  
弱頸無利刃一死觸危石婦死母幸脫子來迹昭析  
吁嗟子婦心綱常急奚擇我歌笑儒冠壯哉重巾幗

貽王后張

規行蔑險途株守乃羈制曠代一再見尤良別上駟  
大雅有遺音興懷閱年歲鉛華不假施入宮難爲媚

又

烏衣故右族馬巷舊瑰異聖童標令譽機雲世相視  
扶搖鍛其羽青冥蹇淪滯便便腹中書躑躅風塵際

士賤輕故鄉稜威避胥史長揖公卿間笑傲朱門裏  
談經羅俊髦咳唾拾青紫娟娟謝媒妁盛年及暮齒  
又  
出門步踟躕道逢相識人嘆息子言旋挾策空上秦  
惜無連城價以報席上珍徒有盈筍業囊無獻老親

又

墟落六七年別來應非故升堂進漿酒淚緣骨肉聚  
謀祿亮有爲無乃壯心誤已矣勿復道承顏竭儒素

八月十八夜於行春橋作

蕭晨命錦纜並舸城南隅榜人取次發清吹奏吳歛  
湛澹石湖水泛泛水上鳧波光天一色其外連具區  
明月爛東升萬頃雪不殊輒疑橋下影驪龍爭吐珠  
行樂貴及時廣場紛走趨多錢各自豪極意爲懽娛  
畫鷁張水嬉管絃集名姝一笑千黃金良士恒瞿瞿  
撲滿有遺規深藏亮獨愚

同第十經遊支硎山

岩岩支硎山秋容淨如沐陋彼艷陽時遊冶相競逐



我行及搖落翻得豁心目僧房闐無人延眺恣林麓  
松柏饒蒼翠清音出空谷夕照澹餘輝晴霞錯成縠  
卽事屬曠懷仙蹤企幽獨

侍家大人飲吳六益雨花樓同楚中杜于皇闕  
中趙雙白同郡吳含文杜生洲諸公

首春景色和將車適東郭紅塵厭紛沓披襟對寥廓  
窗含遠岫雲座延西照落高人托冥鴻俯視晒巢幕  
懽洽忘主賓觴咏能間作企彼鹿門隱何似子雲閣  
太樸秉余尚益智愈狂藥

清口出黃河有感

河流日湯湯汜濫東南隅轉漕旣開府建牙董河渠  
星羅將碁布分閫護飛芻清口恃一綫障之良勤劬  
腹背淮與黃楚州類尾閭維揚亦錯壤大江難委輸  
往往勢迸注漕涸走民居宅田盡漂沒百萬民爲魚  
一人動色問發賑及蠲租所恐防川智或在浚泥淤  
豈唯高岸爲井底敗室廬

柯齋選稿

雲間周綸鷹垂氏著

七言古詩

古意

深掩重門晝不開  
含愁無語倚粧臺  
春風猶向庭前至  
晴日還從閣裏來  
晴日春風不易得  
慵看花落傷顏色  
顏色朝朝自一時  
狂夫遠戍更誰知  
萬里空悲行路人  
一年一去惜芳辰  
畫梁紫燕雙飛過  
多病逢春不覺春

對酒

我有一尊酒對之徒悲哀  
明月在中天流光得徘徊  
忽憶故人難見期佇立  
仰視浮雲馳安得長風凌羽  
翰翩然下止南山隱揖我  
故人坐談笑胡爲塵市相  
追隨

送旣庭疇三公肅下第歸吳

黃金之臺何崔嵬  
上有荒荒之蔓草  
下有射雕逐兔  
相徘徊一步一回顧  
四面多浮埃  
青天高高不得仰  
視白日欲落西山隈  
嗟嗟貧賤徒悲哀  
翩然振衣歸

去來酒酣擊筑從此別  
黃金之臺何崔嵬

故人

且向故人飲欲與故人辭  
故人今日罷官去明日相  
逢知不知

元日同椀珠過髯淵寓畱飲子曠亦至

燕市積雪冰峩峩  
城高且長落照多  
從我故人醉和  
歌一飲一斗朱顏  
酡行年十九今二  
十意氣肯使長  
鬱邑入君之門與  
君揖一歲之始慎  
出入

醉坐吟

人生得意不復來殷勤且進掌中杯髮盡齒落何可  
道白楊古墓皆蒿萊借問白石吟何如黃金壘劉伶  
阮籍善解事玉山之倒能幾回孔明有意坐狼石功  
名富貴安在哉

登釣臺同王勝時家成子况作

兩峯插地千餘尺下瞰江流裂危石繫纜便拜巖光  
祠蒼茫欲問神仙宅斷碑剝落苔欲枯長松倒挂天  
地碧日光黯慘少見人但聞啼猿雉雉愁行客黑雲  
如髮排白雲清波作絲穿樹隙興來灑筆無時無先

生把釣空今昔

木芙蓉戲擬長吉

江風吹水水作片曉雨濕紅秋色濺畫欄湧出壓碧  
流欲言無言分嬌面越女自慣採菱歌棹船忽逗芙  
蓉波照射眸子爲誰好含羞凝怨奈妾何

送黃石民歸杭州

友朋阻絕無消息與君不合始相識當筵意氣爭和  
歌臨岐慷慨換愁色白日西下雲茫茫青天欲斷山  
更長行時須作離亭約醉別無言莫盡觴

東余艸堂歌醉贈律始

東余艸堂勢軒曠前俯平疇後青嶂東余主人文章  
伯狂歌高臥煙霞宅張手右揖西余入咫尺林巒卷  
簾濕東余昔日隱者誰太丘名德亦一時只今翰墨  
動聲價男兒何用錢刀爲董公達者擅賦才子虛欲  
獻乏良媒別來新詩千百首坐我藜床不容口開君  
筵飲君酒盡君一石蒼梧清與君醉歌夕照橫風塵  
刺促難稱意令人却羨安期生成皋管趙不負約公  
孫主父還相傾不如及時恣酣酌野人倍覺心知樂  
吳吁嗟不遇復何惡

檢篋見季冠月先生所贈詩畫率爾爲歌

昔在長安久爲客一身自笑天地窄市駿不向燕昭  
臺博物猶訪張華宅薊門春至花晚紅西山天寒雪  
先白豐臺芍藥千萬莖報國寺中松百尺同時得有  
高陽徒紛紛肝膽輕相擲驅馬只愛煙霞行迴鞭却  
愁市塵隔丈夫出門何爲乎及時富貴意亦適咄嗟  
掃門良足羞拔刀欲斷任安席先生出入承明廬叨

蒙盼睽增欵歎二十詞賦獻天子赫赫才名動玉除  
握中日玩江淹筆腹內家傳韋相書文章經國等閒  
事拾遺補闕省中居聞道君王能止輦遂令臣子效  
牽裾同官幾見封章達盤錯寧論一死餘杞人憂天  
天茫茫觸鱗抗檻難躊躇琅璫繫頸去桑梓親朋滿  
眼車屯軌仰天太息從此辭哭聲遠似連雲起諫艸  
恍惚難明論持螯測海罪應爾長白山頭好著書粟  
末河邊竟已矣春來雨露徧人間展轉宸衷幸賜環  
一斷鷓鴣行投塞外幾回蝶夢到鄉關何因更有相如

渴長夜冥冥葬故山牧羊不見子卿返化鶴教同丁  
令還先生翰墨畱高閣長此生存誰繼作擲地已同  
金石聲曠懷得復圖丘壑每憶當年父執前殷勤獎  
誨傷飄泊北海樽壘早已空西州門路渾如昨天陰  
日暮爲悲歌想像靈旗下寥廓

歌送東籬山人歸華亭

栝州之山高倚天栝州官閣浮雲連江東三俊推彥  
先飄然振策娛林泉處士會應光星躔座中往往談  
安禪令人心地依青蓮胸中萬卷真便便下筆一掃

走雲煙隴西數奇功棄捐金闕通籍徒嗚然羣飛海  
水不再延五馬一馬長江邊金章紫綬傾國屬一時  
上相稱渴賢先生持論驚四筵銅駝荊棘金人遷長  
陵不識陌與阡閉關雲臥越十年負郭得有種秫田  
著書不爲塵網牽文章屈宋堪聯翩金樽清醕紛相  
傳檀欒綠竹媚窗前東風元巳花正妍千里命駕崑  
山巔思歸一曲揮高絃千山萬山響杜鵑故鄉景物  
今最憐脫帽健兒鳴金鞭和門帥旗畫高懸盡滅鯨  
鯢計萬千 至尊南顧方憂煎鹿門鄭谷地自偏欲

往從之路綿綿枯州之山高倚天

送繡湄

西風急握手立送君遠適燕與趙黯然一杯復一揖  
漁陽之山崆峒高滹沱水流泛舟入我曾跨馬窮登  
臨臂弓腰矢指決拾墟頭謔浪酒家胡揮毫素壁煙  
嵐濕丈夫濩落無好顏歸來遊倦頭戴笠結交金生  
真我徒開筵傾釀良朋集壯哉談論千古事分曹賦  
詩何嗟及目光若電少時輩欲言不言氣鬱邑涼秋  
八月巾柴車着鞭努力承明廬向人笑問長安樂泮

然四顧空愁予周生慷慨愧贈言錢生高詠長欷歔  
徐生馮生歌聲和浮雲塞堦還躊躇他年相憶能回  
首狂態知應半未除

簡子俶五兄

客傳子俶病於縣租  
野人誤聽故有是作

小時鉛槧愧了了論詩解愛梅村公梅村學士曠世  
才曹劉沈謝推宗工弱冠落筆動人主天馬一來凡  
馬空西銘先生古季長首倡大雅維玉風君也高足  
早馳譽海內不減梅村公學士牙緋去鳳池故宮禾  
黍不勝悲十年龍臥南陽野強應蒲輪敢後期嗟君

困抑老諸生文采風流弟與兄伏櫪未消千里志悠  
悠雙眼若爲情晚成賸薦孝廉科顛髮星星奈若何  
見說公孫還起相可堪猿臂更蹉跎家貧并稅輪將  
後勅罷公車歸興就學士抽簪去復還舊遊牢落閒  
清晝載酒看花醉幾巡承恩別占五湖春意氣相符  
渾不改明時裋褐自風塵看君六翮猶如此笑殺紛  
紛泣玉人

乾一席送蒼水

出不必羅八駟居不必長者轍主人華堂能致客酒



酬與爾悲歌別董生董生看君落筆妙天下玉杯繁  
露追前哲君家兄弟干雲霄一搏九萬風力饒男兒  
逢年得及早白頭腐儒徒叫囂何爲乎抑塞磊落同  
蒿萊九衢蹠躓無龍媒送君萬里從茲別好念狂奴  
歸去來

中秋

八月十五炎飈歇家家女兒玩星月月色溶溶勝似  
銀星光的的映通津燒香並祝鴛鴦侶緩步同登錦  
繡茵繡茵鴛鴦侶竟何求歲歲年年八月秋好將天上

團團影雙照深閨不照愁

苧城曲

白苧城南楊柳枝枝枝發色媚春時別來幾度空搔  
首無復長條拂地垂垂柳垂楊舊遊路依稀記得門  
前樹樹猶如此悵無聊星離雨散空歸暮名字何由  
惡少傳生生死死總堪憐綺羅若箇撩沈醉紅粉何  
人得鬪妍前身想像青蓮域艷蕊韶光難再得四座  
笙歌別占春一時顧盼真傾國傾國傾城事已非天  
荒地老思依依無鹽只在西施去紫玉誰知韓重歸

鸞杯鳳管嗟難偶酒肆琴臺成寂守床琢珊瑚不見  
人枕留琥珀長辜負辜負當年無限愁邀懽賞激競  
風流華鐙高照香凝戶寶瑟閒調月滿樓二八嬋娟  
坐衰謝朱顏皓腕寧論價卷幔還疑舞袖翻當軒恍  
憶歌聲下舞袖歌聲迥自殊覓招萬一肯相於姍姍  
繡幄飜淒切冉冉行雲歎索居物在人亡真夢幻暫  
遊少別終睽間萬里猶憑雙鯉魚九原不分傳書雁  
雁書魚素杳無因囑付哀絃重愴神漫道西陵松柏  
下年年賸有北邙塵

歌答徐二安士

憶昔論交覺交好紛紛數子傾懷抱就中翻覆難自  
知眼前各命長相保海內賢豪得幾人途窮請勿歎  
沉淪我從朱仲遺珠去何事空勞七尺身

歌答張二嘉樹

汝從前月寄詩來得之故人顏爲開手持目翫不忍  
釋對此直欲傾千杯近來長句作者誰少陵死後爭  
雄雌青蓮李白最杰出笑殺紛紛示真率赭乎黃土  
迥不如一時氣岸誇奇逸吁嗟人生何爲困紙筆孰

者升堂與入室蹙蹙徒然廢終日黃金如山錦萬匹  
出門傾蓋同膠漆出門傾蓋同膠漆讀君之詩念君  
疾欲吟不吟掩書帙君不見元叔長貧敬通罷世事  
無能補萬一

爲顧士子武季友題瑯琊棗萼圖

愁霖匝月猶不息階前綠草深秋得閉戶誰來叩板  
扉故人恍惚親顏色故人王郎雙側理呼童示我長  
康技畫作瑯琊棗萼圖忽疑身坐高陽里君家門第  
重江南出入烏衣控兩驂解識平輿龍得二好知偉

節鳳成三洛中雅雅道何如雙壁還應遜後車謝傅  
芝蘭方繞砌陳羣羔鴈復盈閭庭趨鐵柱風裁正籍  
甚儒流歸藻鏡我爲甘公迥自慚貪看玉友聲華盛  
玉友聲華擅一時天教風翮不教遲行行王吉先腰  
艾咄咄周磐嬾誦詩早達憑將姓氏傳致身直畏祖  
生鞭賸有碧山差不負對君却掩遂初篇

傷永叔

嗚呼人生不富復不貴吁嗟窮兮亦已矣我儕阮生  
乃爾爾着紙煙雲絕有神高文落筆何清綺壯歲詞

場雅擅名淹畱六翮空相俟逐臭難爲杜若芳蛾眉  
自昔供讒毀自昔蛾眉並一時松扇蹇曲只增悲孝  
標辨命終歸命天道無親若爾欺搔首枯蒼山下路  
范張死友竟何知

書齋牡丹與斐章仲堪十經酌酒時余乍歸且  
明復舍之行

書齋牡丹初作花三三五五枝交加書齋主人亟置  
酒開襟浮白不容口麗質何言絳樹生靚粧肯落桃  
根後昨歲花開爛熳時扁舟來往大江湄關情里社  
長搔首回憶名花賸滿枝轉眼風光又一年尋思底  
事恨纏綿樽前莫負花如錦何處征人不可憐

大雨舟過慧山不得登遣從者往取泉

昨從慧山過得登慧山巔慧山諸峯屹相向湖光四  
面浮雲煙攀藤歷歷不知倦忽若乘風招列仙金箱  
玉笈良快意松風竹露宜高眠今日慧山過道路泥  
怯不得前天地黥慘坐惆悵雲根身道空相連得非  
山靈意無乃世務牽愁腸萬斛未斷絕蕩滌好貯山  
頭泉疾呼僮僕置滿船妬殺此輩行復然

送李首愚歸永嘉

送君渡錢唐錢唐江水何浩浩十月朔風寒嚴霜凋  
百草富春楓葉無數紅狂奴釣臺插晴昊看君遊展  
恣往還世路無媒爲愁老

送拙閒往東皋

送君三月苧城南城隅柳色已酣酣登臚茫茫問津  
渡舉頭遠泛煙中樹極浦一雙白鷺飛漁舟蕩漾鱖  
魚肥劇憐漂泊渾無定何似江湖坐息機

嘉禾謠

我適嘉禾風景殊畫疆而沼有是夫畫船來往相爲  
娛游冶無算千金軀漫漫綠野坐平蕪桃花李花千  
萬株佳人挾瑟紅瓊瑜爭場選勝春晝鋪妓童一曲  
客濫竽如澠之酒盛玉壺養子作使竭走趨羅列綺  
饌儼大酺快意未畢日欲徂良會無乃揮陽烏揚蛾  
巧笑整唇朱手弄寶釧擲懽無願得致詞立斯須望  
中油壁紛模糊纏頭黃金耀明珠感甄遺枕私區區  
那不解珮中情輸扁舟夜寂鴛鴦湖回頭記憶增長  
吁鄉人自昔誇三吳甲第連雲食土腴只今悉索千

萬逋上下乾沒心膽粗伍伯豪橫囚載途鶉衣百結  
無完膚翻手賢豪等下愚被服儒雅麗且都得有負  
郭里正呼斥賣不給了官租豐年本望多黍稌易錢  
無濟身請奴近蒙恩貸民幸蘓誰爲滯留多所需徵  
求到骨較錙銖老者溝瘠壯荏苒此事亦合先廟謨  
問天茫茫此一隅去鄉百里異苑枯

江月篇

江上月澌灩照江波團圓似銀闕江波送月如有聲  
青天片雲坐銷歇連步大江頭同行翫江月江月江

頭徑不迷江天江月窮毫髮別有玲瓏江上樓闌干  
十二筦絃稠分得荀香來入座記殘楚夢醉應畱江  
月過江洲江濤擁月流盈盈望江岸脉脉酒旗收酒  
旗江岸紛如簇十輩遊人競相逐亦有粧成玉不如  
往來絕愛香車熟一見東家詎自誇不逢西子還偷  
目西子東家任所之古來才大竟何爲不將此夕妍  
媼判信有人間嘆數奇

吳洲徐三錫僑寓江上與余並客累邀泥飲歌  
以謝之

天雨乃欲愁行客客中一雨連日夕起拂青萍欲治  
裝歸乎道濔鄉園隔胡來徐君能主賓別將三載交  
莫逆門巷依然作寓公往來不厭頻開席往來不厭  
頻開席肝膽如君何易擲文采翩翩雅擅場清言老  
氏微言易問君買山計君貲只今長桑聲籍籍吳洲  
花月好畱連我亦揚帆茂苑邊他日儻同耕釣去江  
湖滿地拂雲煙

義烏金繡湄別余三載其之官詔安知道經江  
陰始余遲久言旋尋即金至彼此悵然遙有是

寄

與君三年不相見離懷每憶津亭宴別君三載乏短  
書君行專刺我樵漁人生貧賤與富貴丈夫自合有  
意氣世態論交似爾稀拔刀斷席生憎畏看爾翱翔  
日月邊盤根那不借才賢一州拜命方司牧宦迹無  
端竟左遷七閩山色婺州同試宰巖疆製錦工拄笏  
好看朝氣爽揮絃漫放綠尊空只今作吏事何謀百  
里深爲杼軸愁乍可飲冰勤撫字兼須解橐副徵求  
詔安濱海成甌脫井稅會無費剗割三戶遺民雨露

殷九遷直上官仍達顧余作客暨陽城蕭寺經旬滯  
旆旌把臂未能同悵望寄聲爲見故人情

重九泰逢三錫在茲漸茲哲城客中攜酒畱連  
竟日爲詩謝之體效元白

暨陽城中九月九暨陽客舍閒趨走走看看落日已西  
沉憔悴行吟亦何有浪作東西南北人可憐書劍鎮  
相守無着天涯弟與兄惠存每肯須其友此事由來  
傾蓋難何堪逆旅增顏厚強將愁緒付湍流得意當  
筵一尊酒自從晨起便相過痛飲狂呼還過西吁嗟

盛意那可忘坐看輕薄胡鷄狗世態炎涼幾變遷更  
誰好似雷陳偶我生三十數遨遊高情公等應推首  
孟浪揮毫賦幾篇有詩得悉高情否作伴登臨歸未  
期相攜自合窮林藪明日華山並綺山扁舟更約周  
生某

城南行

踏春寂寂城南陌柳驪鶯嬌伴行客嫩綠殷紅總是  
春傷心滿目空今昔綺饌花茵事等閒流光彈指看  
陳迹回憶歡娛命侶頻石家金谷忘晨夕徐子錢郎



數妙才周生放誕章生奕馮董翩翩與論文烏衣兄  
弟真聯璧邀得佳人字莫愁當筵爛醉還浮白一簇  
香雲偎綠鬟兩行紅粉爭辭席耻爲纏頭耻鬪妍生  
成傾國艷神仙歌喉一發聲多歇舞態初迴意並牽  
自是看場驚欲絕寧論妓館合推先櫻桃小破恢諧  
逼酒暈微添頰似蓮漫道吹簫能致鳳豈期竊藥竟  
生天翻覆人情隨物化升沈我輩等茫然只今憔悴  
江潭上笑殺窮愁學取憐

歌答季友

君家南浦南我住西山西風塵刺促厭城市別君斬  
斷青雲梯爾來往往相和歌才雄八斗何足多不見  
紛紛輕薄子相逢叵耐通名氏長揖先須爵里傳閉  
關爾我何爲爾閒却詩篇未用渠笑君還笑等鹽車  
子雲寂莫終投閣枉殺人間薦子虛

後山草堂歌爲顧左作

後山主人真我友後山卓犖良寡偶後山草堂瞰平  
原繁花照眼長呼酒君能傾百壺我酌及一斗菡萏  
開時夾岸香黃鸝啼處千章柳我停訪戴船君拉孔

生肘觴詠畱連雅自娛酣歌無忌談天口生爲腐儒  
誰比論齷齪爭思腰下綬白首窮年擬上書大賢狂  
笑同芻狗我知此事付東流泥飲君前醉何有君年  
三十小余一爾汝之交坐汝右兩家門第等荀陳君  
更丹青追聖手我爲後山歌深情忘好醜請君還作  
後山圖挂君高堂與君久

朱朱行

朱朱祝祝雄飛雌伏祝祝朱朱不利走趨小兒逐隊  
嬉竹馬大兒注視出袴下磨刀霍霍將髭鬚張拳搏  
虎膽絕粗虎晝殺人莫敢向縛制得有官長無朱朱  
祝祝何求乎蠻觸之戰長嘻吁

促織

促織促織農棄不得耕女紅那便織昨朝出門去野  
田綿連徑路塞村夫村婦脫兔走不見耰耨見荊棘  
官長急責逋勢如大索賊姓氏顛倒知爲誰依稀差  
計饒衣食嗟嗟州縣等負山鉅萬中飽今奚極促織  
促織杼軸空明府不思思帝力

贈旅庵和尚

蘭陵郭外柳如煙夏伏炎蒸好泛船蘭陵陳生謂賡明

敬愛客方外如公真莫逆周郎舊與陳生遊下榻臥

我百尺樓相攜溪口見公面六月揮塵如清秋愛山

不數支道林落紙遠過湯惠休藝林戒律並神妙

先皇御極應明詔欲起瘡痍問鬼神還將慈筏渡迷

津一朝龍藏皈依切勅予香臺翰墨頻問湖龍去不

相待師也翩然故山在講席精嚴說往時人王梵帝

同雲海擲錫看教遍大千傳燈偶到苧城邊周郎牽

跡牛馬走呼馬呼牛混好醜黃口小兒訝姓名昔何

強項今何有記師摩頂向師言世事應須付酒罇不

爾太常齋自可從師學道給孤園

古意

黃鵠遊四海中路將安歸吾擬咏懷作魏與嗣宗違

身世兩相棄亦復何所求不如飲美酒斯意凌千秋

青山到處沙棠舟閒吟綠水映白鷗棹歌欸乃徹雲

浮笑指紅塵古渡頭

寒夜山居作

我有綠綺琴一彈再三嘆咄咄斯事匪不嫻大音希

聲和者難天馬來龍之媒權奇傲儻箭浮雲伯樂不  
顧何有哉娟娟巖窗月清光鑑毫髮呼童命酌一對  
之周郎三爵在更發豐城劍氣終沉淪張華雷煥俱  
灰塵男兒不得腰下綬便當溺取頭上巾何能碌碌  
長因人長因人良苦辛儻來之軒冕乃欲困此七尺  
身文章有命筆有神腕下之鬼殊不馴黃金不享鬼  
不親我當上天叩天闔翦除此鬼無兒孫掃盪翰墨  
同蒙昏或化爲鶴或者猿世無妍醜增煩寃吁嗟乎  
世無妍醜增煩寃我曹食力安丘樊

任城同卓永瞻第十經登太白酒樓晚眺

弭棹登任城城高豁川陸篷窗偃仰一月餘披襟對  
此娛心目蜀山吾山青蜿蜒白波森森銜林麓左右  
夾束汶與泗水衡灌輸作地軸沈吟下斜日好景難  
更僕柳絲淺黃正深迎風拂拭淨如沐土人清明  
作令節魯酒酣歌齊竿逐我儕躡躑飽風塵客心轉  
厭鄉心復供奉風流孰比倫畫樓百尺壓城闈當年  
此地飛觴處今日誰爲賀季真

柯齋選稿

雲間周綸鷹垂氏著

五言律詩

送幽祈

惜別在前溪同行踏大隄棹歌時遠近流水乍東西  
山迴春雲斷天高落日低無由慰朋好執手益悽悽

寄旣庭搗謙

別後難爲念天涯柰若何人生同雨露遊子慎風波  
尊酒賓朋少詩篇感慨多塞鴻飛不住數望寄書過

山居  
依山結茅屋門向一漁磯爲憶幽棲好堪嗟遠道非  
林深人獨坐花落鳥銜飛何日翻書帙高吟事事違  
螢火  
飄泊身誰似流螢夜點扉但看時聚散不解任翻飛  
逐隊迎風亂分光向月微此生終有托慎莫畏朝暉

正送宋尙木先生使越帥幕

不知冠蓋集都爲鳳池人去作三冬別歸逢二月春  
吳山元近越官舫却寧親應慰高堂望他鄉只比鄰

汝陽省家大人於使館時聞移疾

揚鞭促遠道獨客敢兼程荒草天連白浮雲樹外明  
見愁廬舍少却說虎狼行只有晨昏念微軀忘歿生

沙河

久客風塵慣真堪萬里行畏途難自計中道却心驚  
盜賊橫三輔流離滿百城誰當前席問先爲泣蒼生  
如何方夏日冰雹忽霏霏遠岫看皆隱平林望轉微  
似梅初結蕊比絮却沾衣無限康衢意宸憂補萬幾

電

舟行卽事  
泗上千山色蒼茫似畫圖人家漚白紵漁艇亂青菰  
戍古炊烟迥村荒野獸俱經過一搔首吟眺倍踟躕  
憶昨廣陵路秋風倚棹過蕭蕭木葉下蕭蕭旅鴻多  
縱酒狂爲客離愁強自歌無心對楊柳依舊拂流波

日暮

日暮片帆懸秋風送畫船綠楊搖細雨野渡入寒烟  
隔岸歌聲歇長空暝色連開樽望不極旅雁獨翩然

思二大人署中

千里望甌越千山縱目初晨昏還遠道弟妹得同居  
繞澗春田潤隨風夏木疎傳聞官舍靜長憶數行書

山色

歷歷青山色行舟落日低亂鴉隨意散疲馬背人嘶  
野樹晴皆遠荒村望欲迷應憐倦遊客蚤晚自東西  
與素上人

獨爾栖蘭若幽蹤愛往還片雲隨意落叢桂絕人攀  
夢自晨鐘定心從晚磬閒暫時門外客坐對卽溪山

吳越何年坼潮將兩岸連布帆入雲際客思滿樽前  
飄泊人千里親朋路各天生涯行處是感激廢詩篇  
落日滿江干江城俯急湍亂山連縣舍古寺出雲端  
動地濤聲自懸巖木葉丹天涯有行客回首自漫漫

由馮公嶺至家大人署中

此去馮公嶺人烟歷百盤澗聲鳴樹底雲影亂林端  
俯仰無天地登臨藉羽翰空山還獨在歲晚壯心闌

又

雲氣晝冥冥山深虎豹扃嵐光疑曉霧獵火亂寒星  
地瞰飛泉白天窺密樹青窮荒開郡國次第入郊坰

又

一郡秋禾熟村夫向水春徵求飛檄下徒役不時供  
瘠土憂何切空山徑似封祗應烽燧息退食暫從容  
不寐聽雨

浙浙寒初集颼颼響漸多林喧兼木落寺迴雜鐘過  
欹枕增愁緒披裘起浩歌無情是青草摧折竟如何



此地

此地南荒遠歌風帶百蠻嶺雲當戶落宿鳥到窓還  
每自開樽酒相看只亂山放懷真不淺已得破愁顏

春閨

垂楊依碧沼穠李傍朱樓臨鏡粧初罷調絲曲未收  
關山憑尺素離別信刀頭鴛被相思切蛾眉獨自愁  
將行同逸伶天垂闥石蒼水及壽王西臨家叔  
飲少楹書樓  
相對日將暮長歌無盡時故人從此送遠道別君遲

夕照迷征騎花香入酒卮他鄉千里外能不重臨岐

遊白雲山寺

山勢凌霄漢幽棲不易尋參差出城郭高下見寒林  
鑿沼龍湫入穿巖虎跡深金仙持偈謂花雨滌塵襟  
不雨

三伏計將盡千村望匪他涓投夸父杖熱畏魯陽戈  
乞展蛟毫臥寧論蠱粟多乾封漢天下歲事竟如何

又

遠望山長在開軒氣未蘇陽臺人料歿鮫室淚應枯

東北玄冥祀西南稷正巫紛紛事祈禱終日走村夫  
家君郡齋集首愚永叔而寬諸子雪珂上人

有客同危坐秋風覺自清山乾下林葉天濶落鴻聲  
燒燭消玄夜添杯對徹明懽言吳越其深念會難并  
酬括蒼諸子餞別

野外看楓葉籬邊正菊花相逢難浪別高會自應賒  
一鴈寒空下千山望處斜飄飄天地內乘醉且爲家

行次青林村店

苦覺征途味乾坤着處家亂山明落日行李入寒霞

牧叟歸看晚樵童徑轉斜蕭蕭秋暮客懷抱幾迴賒  
出署度嶺思二大人

歸路遙從北州圖曲向東泉聲移地軸人語雜天風  
身世悲歌裏關河望眼中何年息蓬轉力養意無窮  
癸永康

夏月傳烽急茲鄉併揭竿卽今話離亂不敢問平安  
馬足排風立鷄鳴度曉難欲耽山館寂前路夢初闌  
顯士子武過余山園

一徑臨秋水茅齋帶夕陽停橈邀信宿把酒話柴桑

雲結小山翠風傳晚桂香  
高吟忘漏促燒燭興偏長  
思主大人署中山園  
辭親千里外觀省隔年違心入寒雲  
亂書隨鴈侶稀愁時思寢膳夢去近  
庭闈每話歸田樂晨鐘淚濕衣

又水滸詩

吾父荒山守瓜期越五年抗懷高士傳  
早計遂初篇爲有小冠杜難分負郭田  
左遷更何恨旦晚鬱林船

又

官稅嗟何疾悽惶托歿生家貧萬事惡  
政猛一身輕

笳管孤城發烽煙幾處明辛勤周內史  
會計贊隆平

又

近得南來信深知遠道情萑苻方翦伐  
豺虎更縱橫老覺青門逸官從白髮輕  
晨昏雙淚落危坐到天明

憶第十經

有弟留官舍常時奉老親千山相憶苦  
一室異鄉人戎馬何多梗淒涼怯問津  
緘書祝歸日好及故園春

得旣庭書

養拙乾坤裏蓬蒿且避喧世情憎宿昔  
俗態異涼溫

賤覺輕蟬翼交期訪鹿門故人書遠及別緒一銷魂  
寶汾安士顓士子武過飲懷禹服

忽忽歲云暮蘭膏夜靜焚思淡千里別路隔萬重雲  
醉欲邀良執狂能細論文君聽無數鴈哀響是離羣

對雨書懷

慘慘日未夕泔泔雨晝昏謀身猶翰墨潛跡且丘園  
歲月雙蓬鬢尋常一酒罇亂離難過眼生理復何論

送別季友

握手再三語欲行難久留寒風吹落日短褐上孤舟

歲序催人易狂歌觸興稠首春冀良覲莫滯仲宣樓

又

不作天涯別愁時爲索居素絲還自念岐路定何如  
十日同高宴三冬好著書贈言各努力期爾承明廬

艷詩

十五盧家婦春風白玉姿掌中嬌欲舞案上暇調絲  
宛轉芙蓉帳從容翡翠帷還家拜阿母不覺別經時

又

窈窕凌波現纖腰不耐衣鏡鸞無獨照簫鳳自雙飛

桂戶浮香氣珠簾引月輝欲知夫婿貴專寵侍中稀  
舟泊守風

出浦風威勁維舟怯更移亂山看雨失雙槳蹴潮遲  
村舍繞松竹衰翁閒歲時應憐沙際客鷗泛欲何之  
泊煙雨樓故址看月

繫纜看新月穿流影自殊一身同鴈羽百里宿鴛湖  
燈火漁舟亂鐘聲野寺孤榜謔聽不歇客思正煩紆

曉過虎爪山

候曉片帆懸連山橫眼前魚麗方校陣蟻聚漫相沿

不似聊城矢還存子敬擅驚心遠行客履坦竟何年  
得顓士季友書

爲客真何意飄然千里餘多君兩兄弟寄我數行書  
路隔春雲外愁看鴈影疎亂山晴歷歷那忘別離初  
同永叔天陶舍第十經飲君子亭

宮舍同岑寂地幽君子亭倚欄一鴈過觸目萬山青  
世態憎儒素狂歌任醉醒迷陽吾有感款款話窮經

清晨度嶺

不盡峻嶒路千峯並俯臨飛泉懸絕壁殘月逗疎林

客子時防虎山農習困禽經過有佳句歷險竟何心  
桐廬蚤發

當暑嗟漂泊放船漸五更亂星看欲墮殘月望邊明  
戎馬愁時切關河入夢驚年華一回首半是客中行  
同繡湄牧吉寶汾安士宴景馭宅懷禹服

話別歲月駛相逢慰友生捲簾看落照選妓醉調笙  
柳色當杯綠荷香入座清一時良宴會遠客倍含情  
徐立齋太史枉過

六載與君別翩然過我廬每憎西向笑多愧北來書  
貴賤論交外風塵歷世餘不才甘自廢且莫問鹽車  
送阮永叔

且逐浮名去生涯顛轉蓬還家一年後憶別萬山中  
征路秋光碧離亭夕照紅栖遑無限意莫放酒杯空  
次韵答郭凌海雨中見示詩

盛年不再遇白日半消沉風雨催詩句關河動客心  
悲秋羸獨病屬和愧長吟擾擾浮雲態終朝類夕陰  
九月十九夜酌酒遲月同仲堪十經

十九今宵月清光瀲灩來自傷秋節盡只負菊花開

玉薤傾還酌金波駐莫催塞鴻飛不定肅肅勸人哀  
懷友十小外酒西數其同中單十盤

成名苦不早晚節慎推遷努力十年逝傷心一寸然  
扶搖風翮短否剝命途纏與爾真同病蒼蒼難問天

又

憶昨一樽酒翩翩京洛遊風塵輕遠別誰詠竟何尤  
落日愁歸騎清霜擁敝裘計程方歲晏慰汝北堂憂  
同向生安士徠遠景脩飲魯艾紫歲書屋

癡絕能投轄相邀並不羈儘傾金鑿落愛聽玉參差

疎竹臨書幌寒花驪墨池娟娟新月好留着醉歸時

野望有感足子美稻穫空雲水句

稻穫空雲水荒荒四望同老農渴餘粒縣稅病年豐  
重以愁霖久兼之疫鬼工詩人悲杼柚三復意何窮

友人席散同安士豫章景脩嘉樹步月復索醉

安士

寒月四天晴宵分愛月明主人能貰酒殘客醉中行  
庾亮塵難到孫登嘯轉清南飛有鳥鵲繞樹不勝情

張大豫章書屋看牡丹

仲蔚幽棲處郊原興自賒爲傾桑落酒共看牡丹花  
蘇綠宜新雨林疎襯晚霞高陽吾輩在禮俗未應誇  
愛爾園廬僻讀書難弟兄開窓衆峰列深樹亂禽鳴  
信美披詩卷懽言得友生眼中吾輩在氣岸自崢嶸  
客有栖栖者津亭值爾還秋風兩行雁落日萬重山  
得失看皆幻逢迎好是閒當杯對蕭瑟吟罷破愁顏

對酒

有酒不盡醉出門欲何之各言失意後值此遠行時  
月借一簾影風吹兩鬢絲京華冠蓋地莫忘南山墜

冉冉

冉冉歲將晏挑燈坐漏長一經成老大兩鬢飽風霜  
謠詠從人慣悲歌托興狂良朋書數字欲語淚千行

題士子武季友同登秦山

地自秦皇駐名猶秦望山綠溪漁艇亂獨寺老僧還  
海氣寒煙外巖光夕照間醉歌君莫去萬一破愁顏  
憶宮兒



玉折前因定窮年空爾思松局不復啓薤曲痛何爲  
舊圃煙中樹空山雨後碑相依仍咫尺長暮少人知  
賦自同陳賡明登龍沙寺閣

香閣俯江干江風夏日寒倚闌祇樹杪問法午鐘殘  
漂泊成余嬾飯依覺思寬坐來逃去住莫漫速歸鞍  
再舟自武進至江陰道中

行行嗟泛梗去去任鳴榔客路逢新霽征帆趁夕陽  
亂山通鳥道一水逼魚牀每話幽栖樂誅茅合自量

再賦又

艤子行長速川途信渺茫愁來詩警策興盡酒顛狂  
野色分青靄人家覆綠篁經過何用問忽憶在維桑

春日贈何霜崖明府

天下徵求急爲官州縣勞如君遇盤錯出險類波濤  
民力憂常切軍儲自不撓從容觀課最行矣果賢豪

歐木家書

我父之東越書來尙永嘉鄰封如故里重與話桑麻  
稍喜傳烽息無愁轉餉賒往年汎舟役回首一長嗟

除夕

擾擾一年內椒觴又歲除風塵容鬢改志業夢竟疎  
抱玉難回首抽毫懶著書承顏諸子姪親老幸充間

過巴城湖

湖水碧摩空湖光似鏡中舉頭當落日挂席趁長風  
遠樹隨人綠殘花着野紅扁舟不能去幽獨意無窮

天下春暮天馬山房

春日日欲暮風光混醉醒向人雙眼白到面九峯青  
浣女花間出漁歌月下聽荷衣吾已就端不負山靈

玉峰酒肆

此地一年別來遊欲暮時重巒松翠繞空水月華遲  
邂逅催箏柱殷勤把酒卮主人幸相識不問夜何其  
村荒尋酒家不得

漁舟亂曲水日暮語聲喧岸柳自新色人家空古村

稍聞官稅苦兼乃役夫煩牢落征途客無由具酒尊

觀美人出綵張燈

十五吳趨坊春風蘭蕙香見人約寶髻無語整羅裳  
小醉情騰立偷身淺淡淡粧張燈誇綵勝高結繡鴛鴦  
重泛湖心亭同冰懷衣聞限亭字

湖水日泠泠湖光拱翠屏與君宜晚對何似坐旗亭  
鷗鷺衝波白雲霞入座青相看拚盡醉羸煞草堂靈

十一 晚行瑪瑙寺泛舟西湖

客舍無所事寂寥雲外鐘僧閒高樹下人踏落花重  
惜去愛湖月相攜下晚峯蕩舟煙水濶達者一追從

孤山

聞有林處士端居湖上山種梅開自落放云常還

君翠連戶牖烟波隔市闌悠然追往轍一為俗情刪

永定禪院大風夜聽江湖院為何霜崖築地

香閣風靈夜江聲失梵聲恐驚馴鶴散似挾毒龍行  
纒石高縈岸分流曲撼城傳聞有良宰鴻隙賴春耕

柯齋選稿

雲間周綸鷹垂氏著

五言律詩

薄暮抵山園

弱柳碧於煙  
低枝晚進船  
喜憑赤欄坐  
更對翠微眠  
荷氣搖風細  
桐陰射月偏  
隔籬有良醞  
呼取面高天

曉步園林喜雨示弟十經

秋至涼多雨  
忘憂地自偏  
峯巒一洗滌  
雲水共澄鮮  
蕉露晞仍滴  
荷珠蕩更圓  
曉來吟眺處  
幽賞若為傳

中夜千愁集摧心涕淚餘乾坤難自立日月去成虛  
坐昧窮通理貪看十筮書此身屬萍梗敢擬鹿門居  
起用子美神交作賦客句東季友平頭面高天  
神交作賦客憶爾更愁余天地容高臥逢迎合廢書  
鉏畦嫌力短芟竹任窗虛咄咄秋風裏因聲問所如

五秋仲顓士子武季友西園集

并序

秋八月周生放舟南浦王子昆季命酌西園於時  
玉露晞桐金風扇柳晤言一室傾伯雅以披襟叙

澗三秋入玄中而競賞蘭筵正啓桂蕊方舒繞砌  
迴波似得流觴之樂綠巖纍石無須蠟屐之煩嘯  
侶入林千載托金蘭之契分占擊鉢一時高白雪  
之音序媿簸揚之在前敢稱作者手奉珠璣而不  
定是屬名流云爾

芝館深涼候蘭皋命駕辰別離欣對面詞賦各傷神  
目送浮雲遠身同旅鴈親居然巖壑意斟酌玉缸頻  
客中題所居寺壁

古寺滄江曲吟詩累日殘潮聲欹枕聽山色捲簾看

門啓綠僧掃杯擎過客難乾坤同逆旅任醉把魚竿

蟋蟀

蟋蟀綠時候秋聽繞砌中本無憾搖落翻得鬪驍雄  
力豈過螳臂心非等射工抗腰殊未易耻作叩頭蟲

雜感

晨起攤書帙客窓獨坐時喜無里正問靜念古人爲  
卒歲求衣褐謀身匪渴饑此生事蓬轉僮僕詎應知

又

學圃機山下柴扉帶水開人煙亂雲木鷗鷺點莓苔

舊侶巖居意幽棲谷口來秋風正披拂吾去獨徘徊

又

方士壺中要高人物外篇與誰論逸興只自困殘編  
蒲柳關愁緒詩書等業綠長吟白石爛空歎祖生鞭

又

敬通長見擯翁伯爾何知數數青雲志栖栖白社爲  
不才甘自放無術強吟詩彈鋏將安適門東飽伏雌

又

逆旅一身客寧論秋氣悲放懷惟滿酌遣興或枯棊

數有精藍會深酬支許詞百年隨浪迹得免俗人知  
喜晤景修於旅舍

旅鴈同棲集秋雲看去來別思三月久喜爲一尊開  
舍弟書憑寄鄉園首重回勞歌竟何事岐路劇堪哀  
同仲榮紫賢再過韓園看菊

再有看花約行過韓氏園主人幸相接舊客任開軒  
沼水滋畦潤疎籬暎蕊繁高談絕塵俗好爲倒芳罇  
立冬前二日同仲榮出郊看霜樹因過小西林

慧菊花下主僧索詩率題二律

搖落秋氣悲况茲秋暮時重以獨淹客難爲歸去辭  
伴人惟蠟屐觸興偶花枝行到青蓮宇僧閒儻姓支

又

高下寒林色參差乍着紅舉頭鴈影過信步稻畦通  
意愜看山遠詩吟值水窮登臨此幽絕聲撼暮江風  
小艇歸棹

儼居千慮足解纜一身輕歸計安山館鄉心料水程  
柳枝自衰謝鴈侶作哀鳴搔首滄江上沈吟空復情  
青暘夜泊

舟行潮信疾人泊市門喧蹙蹙悲遊子淒淒冷夕昏  
敝袍還擁被孤燭照開尊稍喜歸帆便期程孰與言

不寐

不寐篷窗坐詩吟雜棹謳一行身似葉三見月如鉤

水市分漁火郵亭唱夜籌天寒衣正薄總爲動離憂

池上吟同霍南子武季友

方塘連曲徑錦石壓清流共話羲皇事渾疑濠濮遊  
片雲閒自落好鳥過還留把臂看諸彥吾從老一丘

山園避暑大兒穉廉學詩諸君並和戲次其韻

何處能忘暑移居一面兩峯庭閒子猷竹聲撼大夫松  
山勢疑奔馬溪形或臥龍此間有深意清夢到晨鐘  
喜是則叔同十經弟至山園奉次大人韻

山靜少人事一帆望却來薄巖看雲宿止水養荷開  
酒德誰中聖詩歌倚上才便應謝囂俗臨眺莫過迴  
山園夜坐分得勞字

散髮耽幽徑疎狂足我曹煙雲隨洞壑人世出波濤  
坐益狂吟癖眠看秋氣高故園諸子在塵鞅莫徒勞  
侍大人飲核園齋同仲榮斐章穉圭玉文成子



分得肥字

山居隨杖履下食竟如歸不減林泉興能教禮俗違  
池香蓮實供水長鱖魚肥道是求羊侶能無應少微

贈一蓮上人

聞師住山久常自掩花龕我欲連支許君能誦雅南  
碧梧斜有逕翠巘曲成庵爲質無生說攀蘿進展貪

訓山陰錢去病次元韻

避暑違城市機雲有舊山蟬聲來枕上荷氣襲衣間  
白眼真成慢青尊喜暫間廿年數詞伯傾倒爲開顏

又

數數塵中事栖栖競取妍山川聊送目疎誕自稱賢  
得爾誇同調新詩與細傳尚謀河朔飲休促剡溪船

喜越江過畱飲卽席次斐章韻

春暮一相送秋風別緒添來看高士傳醉認酒家帘  
凍雨收行屐停雲進短檐素交吾輩在自合耦畀潛  
南樓送仲榮玉文言返暨陽集狎南儀武爰楫

次璋諸子

到日梅含萼歸看菊漸花乾坤同逆旅詞賦不爲家

醉別宵能永高談興轉賒舊遊如見訊三徑未堪誇

又

昨歲滄江曲悽然客舍身多君勤過問慰我涉風塵  
地主真無忝知交覺有神此行何所贈濁酒莫辭頻

又

九峯閒歷覽木落轉蕭疎歸計君山麓投竿江岸魚  
生涯容嘯傲儒術困詩書漸惜征帆遠鴻飛念索居

桂花下酌核園冰臣次汾爰楫限韻

山色別經時秋光澹桂枝到能花下坐得與酒人期

狂態看逾昨詩篇老自知便應麋鹿侶來往莫相岐

拙聞過別之高苑卽席次越江韻送行

爲客十年外他鄉熟里閩青齊新館舍白社舊相於  
中酒添詩興全生讀道書計程二千里欲別竟何如

又

判袂頻呼醖離愁較更難浮家幾兩屐慢世一儒冠  
津樹連雲黑汀花背日寒送君從此去吟眺思無端

上巳舍第十經置酒山園言別

習隱機山下維舟悵別筵星還今夕聚月到異鄉圓

奔走疲筋力蹉跎惜歲年  
雙雙燈影照淚盡燭花偏  
鄉城  
春秋邾子國瓦礫尚孤城  
吏事昏鴉集人煙返照橫  
亂流壓地脉遺戍護農耕  
袞袞看前席憑誰一寄聲  
蒙陰道中

此去東蒙道縈回一徑穿  
曉裝楊柳月小憇杏花煙  
遊女高螺髻居人競馬韉  
自來多野趣咄咄買山錢  
豐臺看芍藥歸途小酌中頂

且出鳳城南花光露氣含  
鬪妝聯錦障學步繞珠龕  
勝地閒浮白高天共蔚藍  
冶遊看不厭歸騎復驂驪  
送徐繡虎南還

天意終誰識薄遊未得歸  
送君燕市別憶我故山薇  
伏暑同叅定秋風待拂衣  
躊躇暫分手好在漢陰機

又  
帝城三五月共爾客中看  
綵筆驚新句溪杯耐薄寒  
唱酬忘漏促行止向人難  
不及春申岸脩然把釣竿

又  
舊說荀陳好同遊竹馬年  
計隨人事拙心歷世途堅

鄉思浮雲外離愁落日邊金臺高突兀努力繼前賢  
苑西

復道鬱蒼蒼鉤陳擁貝裝四圍楊柳合一片芰荷香  
霄漢身疑近江湖夢正長誰憐倦飛鳥鏃羽欲南翔

太白樓

嘗憶李供奉生前號謫仙斯人誰繼作高閣尚依然  
星斗窗中落煙波檻外連我來吟眺罷搔首問青天

南池次少陵元韻

杜叟曾遊地萍踪且繫船心閒看野馬身賤類寒蟬

密樹斜侵岸危檣遠拂天誰憐澤畔客辛苦一青氈  
濟寧放舟夜行同屆遠季友作

漂泊同昏晝棲遑假寐難破帆沿溜疾疎柳逼星寒  
謠詠身將老挪揄笑自看故山行漸近深愧鹿皮冠  
酌酒與顧仲堪送之虔州觀省并寄見山先生

憶與子爲別燕山四月天及歸纔把臂相送復離筵  
鄉國梅初放江程柳正妍庭趨如見訊無恙舊青氈

飲禹服齋

春來舊遊在數子日相過愛客一尊酒伴人雙翠蛾

凍梅晴照眼嬌身暇聞歌底事浮名誤流光奈若何  
趙雙白招飲寓居蓴廬

趙子幽棲處蕭疎八九椽開軒天宇濶遶戶水光連  
自愛論文友還誇賣賦錢相邀拚一醉入饌白魚鮮  
雨中寄懷子武

酌我蕭齋後高談久未同離情春草外愁緒雨聲中  
失路看人達濡毫羨爾工何時雙屐健吟眺到墻東  
顓士西園小憇同子武季友分得雲字

池館閒揮塵風流總不羣水文明畫檻身語入春雲  
綠映桐枝密紅翻藥架殷深杯移永日不覺過微醺  
趙雙白自閩來吳棲止無定屬余爲覓山居詩  
以慰之

羈旅稱尊客思鄉字荔民

並趙自號

一瓢喪亂後十日播

遷身詩句看全進愁懷那易陳顧慚招隱計把臂爾  
何親

又

別業機山下干將有劔溪舟從綠蒲進徑與襍花迷  
攜榼趨隣酌閒吟徧舊題子來成勝侶相望日沉西

久雨畧見日色聽兒曹語笑聲志喜

宿雨昏書卷沈吟只黯然豈知有白日本不礙青天  
步屨兒童易披闥語笑闐櫺紅將艾綠故覺媚窗前

### 慧山

試陟慧山望豁然天四垂更從最高處題得畫中詩  
翠靄流衣袂斜暉送屐綦翻嫌禽向意五岳事多遲

### 夜泊慧山下酌

弭棹依丹嶂穿雲歷數盤銜杯憇深柳殘日下三竿  
漁火林端逼人煙水面看此來饒勝賞誰唱夜漫漫

### 景修諸子招集分得簫字

不分雄心在青山付寂寥主人能酌我抗簡豈辭遙  
秋水明歌席天風引玉簫坐來詞客滿泥醉永今宵

### 大風渡沔

一葉凌晨發連天逆浪衝勢疑驅怒馬身似托飛龍  
紅浸孤村樹青浮遠岸峯去來無住著枕石羨雲松

### 送趙雙白

慷慨飲君酒送君還惜君短衣閒白日老夢斷青雲  
身似雕虫賤家仍旅鴈分涉湘應有作萬一念離羣

大人招武塘爰山夫宣城沈方鄴卽席分得陽  
字送沈越行

勝侶雙帆集如何又越裝論詩堪累月出祖重飛觴  
山色搖征旆江波媚夕陽風塵看欲徧那遂襦衡狂

大人邀敦四山園觀荷憶旣庭先返吳門

可怕趨炎熱相呼有故山一帆朝共發三徑月俱閒  
柳影交衣坐荷香媚酒攀因思廣平子丘壑竟吾慳  
平原村庄放舟橫雲侍大人同敦四核園諸公  
憩遯公房因偕訪旅庵和尚於崑峯

貪看峯泖勝移棹復清晨精舍僧常住空山意倍親  
古藤迴赤日脩竹動青旻爲愛塵凡淨尋師證夙因

園居獨酌漫興

俊味課畦丁克盤菜甲青翠屏眠入戶碧澗曲過亭  
蟬噪空林得漁歌淺醉聽更無人事接散髮撲流螢

鴛鴦

芙蓉含露發步屨日初東爲有鴛鴦浴貪看飲啄同  
水紋迎面碧翅影雜花紅作伴池間穩高飛羨冥鴻

寥廓

高齋一長望，寥廓遠山親。  
自有巉岉勢，曾無物色人。  
科頭忘客拜，清嘯樂吾真。  
取次攤書卷，松風入座頻。

惡草

惡草非無種，叢屺軌更滋。  
欺凌到公石，覆沒右軍池。  
差得青人眼，翻能入夢思。  
厚於不材者，天意亦何爲。

地僻

地僻柴門做，依山爽氣多。  
胡床隨意設，白日耐人過。  
有客唯蝦菜，高談續茗柯。  
自然成野趣，詩卷托雲蘿。

獨樹

獨樹陰深蔽茅堂，暑更宜低枝如伏兔。  
老幹類蟠螭，未得摩霄日。曾無授斧時，醉吟須汝在。  
徙倚一題詩。

珠湖口占

珠湖望不極，髣髴與天通。  
一片涵空影，千帆掛疾風。  
浮名隨塞馬，遠逝羨冥鴻。  
難慰高堂念，身輕狎射工。  
白洋河阻風示同行陸石帆王左平卓永瞻席

文淵

莽莽乾坤內，昏昏道路時。  
大河南注疾，遊子北帆遲。  
濁浪迷天濶，陰雲閃地卑。  
長風嗟有志，計拙問篙師。



上巳韓庄開憶是日爲先祖忌辰不得侍家大人展墓泫然有作示第十經和之

我祖推耆德窮經擬孝先道風能秀世手澤困殘編  
薄命將繩武高門媿後賢松楸遙悵望羨煞小同年

### 故城

地是甘陵舊人思子羽賢城荒門晝閉市罷突無煙  
聚族防逋客張弓護使船漫勞津吏問辛苦路三千  
申菽旃舍人招飲同張牖如葉元禮王翊辰  
舍人休沐暇設宴及芳菲芍藥花爭發葡萄架漸肥

雨餘香氣入月出靜琴揮座接徐劉彥溪嗟壯志違  
徐健庵太史招同朱人遠卓永瞻葉元禮徐電  
發王季友家雪客分得四支

棣萼才名擅騷壇並我師招尋麋鹿伴出入鳳凰池  
河朔杯同泛濠梁興可期自慚疎拙甚暑賦獻應遲  
又

向日靈臺侶鰕生本數奇飽看金馬貴羞澁土牛遲  
不忘乘車約相呼下直時候鯖克食指酪酏報君詩  
奉餞宋荔裳先生觀察蜀中分賦

憶別大江南  
臨岐酒復酣  
晚霞流祖席  
綺閣俯澄潭  
益部需才重  
巴人仰德堪  
經過揚子宅  
萬一記桓譚

又

啣命遙行道  
歌驪一解顏  
王程青雀舫  
宦蹟碧雞  
山竇舞紛爭  
訟蚕叢乍闢  
關關應知使  
君好膜拜  
擁諸

蠻

